

萬首唐人絶句 廿二之三上

漢書門			
三	一	二	一
冊	架	函	號

庫文閣内			
三	一	二	漢
九	一	二	書
函	三	三	
一	の	三	
一	冊	號	類
架			

内閣文庫	
番號	漢 11223
冊數	30 (19)
函號	319 68

0 1 2 3 4 5 6 7 8 9 cm

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



糊などで貼り付けられている部分がめくれない箇所あり



宋洪魏公進萬首唐人絕句卷之二十二

明吳郡趙宦光凡夫葉定

靈巖黃習遠伯傳竄補

七言十二

商山祠堂即事

竇常

奪嫡心萌事可憂四賢西笑暫安劉後王不敢

論珪組土偶人前枳樹秋類苑

七夕

露盤花水望三星髣髴虛無為降靈斜漢漫時

人不寐幾條蛛網下風庭

過宋氏五女舊居

謝庭風韻婕妤才。天縱斯文去不回。一宅柳花
今似雪。鄉人擬築望僊臺。類苑

杏山館聽子規

楚塞餘春聽漸稀。斷猿今夕讓霑衣。雲蘿老樹
空山裏。髣髴千聲一度飛。

奉酬楊侍郎

竇牟

翠羽雕蟲日日新。翰林工部欲何神。自悲由瑟
無彈處。今作關西門下人。類苑

杏園渡

律郊多壘少人家。南渡天寒日又斜。君子素風
悲已矣。杏園無復一枝花。類苑

奉誠園聞笛

曾絕朱纓吐錦茵。欲披荒艸訪遺塵。秋風忽灑
西園淚。滿目山陽笛裏人。

酬舍弟庠罷舉從辟

之荆且願依劉表。折桂終慙見郤詵。舍弟未應
絲作贗。園公不用印隨身。類苑

初入諫司喜家室至

竇羣

一旦悲歡見孟光。十年辛苦伴滄浪。不知筆硯

萬首詩合卷之三十三
緣封事猶問傭書日幾行

春雨

昨日媮閑看花了，今朝多雨柰人何。人閒盡似逢花雨，莫愛芳菲溼綺羅。類苑

送內弟袁德師

南渡登舟即水僊，西垣有客思悠然。因君相問為官意，不賣毗陵負郭田。類苑

贈劉大兄院長

萬年枝下昔同趨，三事行中半已無。路自長沙急相見，共驚雙鬢別來殊。類苑

晚自臺中歸

白髮駸駸生有涯，青襟曾愛紫河車。自憐悟主難歸去，馬上看山恐到家。類苑

假日尋花

武陵緣源不可到，河陽帶縣詎堪夸。枝枝如雪南關外，一日休閒盡屬花。類苑

經中牟魯公廟

青史編名在篋中，故林遺廟揖仁風。還將文字如顏色，暫下蒲車為魯公。類苑

段都尉別業

竇庠

曾識將軍段匹碑。幾場花下醉如泥。春來欲問
林園主。桃李無言鳥自啼。關類苑

靈臺鎮

曉日天山雪半晴。紅旗遙識漢家營。近來胡騎
休南牧。羊馬城邊春艸生。關類苑

贈道芬上人

善畫松石

雲溼煙村不可闕。畫時惟有鬼神知。幾回逢着
天台客。認得巖面最老枝。關類苑

金山寺

一點青螺碧浪中。全依水府與天通。晴江萬里

雲飛盡。鰲背參差日氣紅。

關類苑

冬夜寓懷寄翰林王補闕

滿地霜蕪葉下枝。幾回吟斷四愁詩。漢家若欲
論封禪。須及相如未病時。

贈符載

白社會中嘗共醉。青雲路上未相逢。時人莫小
池中水。淺處無妨有臥龍。關類苑

龍門看花

無葉無枝不見空。連天撲地逕纔通。山鶯驚起
酒醒處。火燭燒人雪噴風。關類苑

陪留守巡內至上陽宮感興二首

翠輦西歸七十春，玉堂珠綴儼埃塵。武皇弓劍

關類苑

藪何處泣問上陽宮裏人。愁雲漠漠艸離離，太液鉤陳處處疑。薄暮毀垣

春雨裏，殘花猶發萬年枝。

陝府覽房杜二公仁壽中題紀 竇鞏

仁壽元和二百年，蒙籠水墨淡如煙。當時憔悴

關類苑

題名曰漢祖龍潛未上天 早春送宇文十

春遲不省似今年，二月無花雪滿天。村店閉門

何處宿夜，深遙喚渡江船。

關類苑

經甯車騎故城

荒陂古堞欲千年，名振圖書劍在泉。今日諸孫

關類苑

拜墳樹愧無文字續燕然 贈王氏小兒

竹林會裏偏憐小，淮水清時最覺賢。莫倚兒童

關類苑

輕歲月，丈人曾共爾同年。 唐州東途作

綠林兵起結愁雲，白羽飛書未解紛。天子欲開

三面網，莫將弓箭射官軍。

關類苑

新羅進白鷹

御馬新騎禁苑秋。白鷹來自海東頭。漢皇無事須游獵。雪亂爭飛錦臂鞬。類苑闕

秋夕

護霜雲映月朦朧。烏鵲爭飛井上桐。夜半酒醒人不覺。滿池荷葉動秋風。類苑闕

襄陽寒食寄宇文籍

煙水初銷見萬家。東風吹柳萬條斜。大隄欲上誰相問。馬踏春泥半是花。

奉使薊門

自從身屬富人侯。蟬噪槐花已四秋。今日一莖新白髮。懶騎官馬到幽州。

送劉禹錫

十年憔悴武陵谿。鶴病淡林玉在泥。今日太行平似砥。九霄初倚入雲梯。類苑闕

送元稹西歸

南州風土滯龍媒。黃紙初飛敕字來。二月曲江連舊宅。阿婆情熟牡丹開。類苑闕

過驪山

翠輦紅旌去不回。蒼蒼宮樹鎖青苔。有人說得

當時事曾見長生玉殿開

顯苑

洛中即事

高梧葉盡鳥巢空
洛水潺湲夕照中
寂寂天橋車馬絕
寒鴉飛入上陽宮

尋道者所隱不遇

籬外涓涓澗水流
槿花半點夕陽收
欲題名字知相訪
又恐芭蕉不柰秋

寄南游兄弟

書來未報幾時還
知在三湘五嶺間
獨立衡門秋水闊
寒鴉飛去日銜山

宮人斜

離宮路遠北風斜
生死恩深不到家
雲雨今歸何處去
黃鸝飛上野棠花

代鄰叟

年來七十罷耕桑
就暖支羸強下牀
滿眼兒孫身外事
閑梳白髮向殘陽

新營別墅寄家兄

懶性如今成野人
行藏由興不由身
莫驚此度歸來晚
買得西山正值春

自京中將赴黔南

萬首詩歸 卷之二十二

風雨荊州二月天。問人初顧峽中船。西南一望和雲水。猶道黔南有四千。類苑

南遊感興

傷心欲問前朝事。惟見江流去不回。日暮東風春艸綠。鷓鴣飛上越王臺。

題劔津

風前摧折千年劔。巖下澄空萬古潭。雙劔變成龍化去。兩谿相竝水歸南。類苑

放魚

金錢贖得免刀痕。聞道禽魚亦感恩。好去長江

千萬里。不須辛苦上龍門。

漢宮曲

徐凝

水色簾前流玉霜。趙家飛燕侍昭陽。掌中舞罷簫聲絕。三十六宮秋夜長。類苑

和嵩陽客月夜憶上清人

獨夜嵩陽憶上僊。月明三十六峯前。瑤池月勝嵩陽月。人在玉清眠不眠。類苑

八月望夕雨

今年八月十五夜。寒雨蕭蕭不可聞。如練如霜在何處。吳山越水萬重雲。類苑

觀浙江濤

浙江悠悠海面綠驚濤日夜兩翻覆錢塘郭裏看潮人直至白頭看不足類苑

廬山瀑布

虛空落泉千仞直雷奔入江不暫息千古長如白練飛一條界破青山色類苑

嘉興寒食

嘉興郭裏逢寒食落日家家拜掃回惟有縣前菴小小無人送與紙錢來類苑

憶揚州

蕭娘臉下難勝淚桃葉眉頭易得愁天下三分

明月夜二分無賴是揚州類苑

八月鎿夕寄游越施秀才

四天淨色寒如水八月清暉冷似霜想得越人

今夜見孟家珠在鏡中央類苑

八月十五夜

皎皎秋空八月圓常娥端正桂枝鮮一年無似如今夜十二峯前看不眠類苑

題伍員廟

千載空祠雲海頭夫差亡國已千秋浙波只有

靈濤在拜奠青山人不休類苑

員嶠先生

員嶠先生無白髮海煙深處采青芝逢人借問
陶唐主欲進冰蠶五色絲類苑

莫愁曲

玳瑁牀頭刺戰袍碧紗窗外葉騷騷若為教作
遼西夢月冷如針風似刀類苑

寄白司馬

三條九陌花時節萬戶千車看牡丹爭遣江州
司馬五年風景憶長安類苑

相思林

逐客遠遊新過嶺每逢芳樹問芳名長林遍是
相思樹爭遣愁人獨自行類苑

寄海嶠丈人

萬丈只愁滄海淺一身誰測歲年遙自言來此
雲邊住曾看秦王樹石橋類苑

寄潘先生

至人知姓不知名聞道黃金骨節輕世上僊方
無覓處欲來西岳事先生類苑

宮中曲二首

披香侍宴埤僊花厭著龍綃著越紗情賴傾城
人不及擅妝惟約數條霞類苑闕
身輕入寵盡恩私膏細偏能舞柘枝一日新妝
拋舊樣六宮爭畫黑煙冒類苑闕

七夕

一道鵲橋橫渺渺千聲玉佩過玲瓏別離還有
經年客悵望不如河鼓星類苑闕

八月九月望入雨

八月繁雲連九月兩回三五晦漫漫一年悵望
秋將盡不得常娥正面看類苑闕

喜雪

長愛謝家能詠雪今朝見雪亦狂歌楊花道即
媮人句不邴楊花似雪何類苑闕

春飲

烏家若下蟻還浮白玉尊前倒即休不是春來
偏愛酒應須得酒遣春愁類苑闕

二月望日

長短一年相似夜中秋未必勝中春不寒不暖
看明月況是從來少睡人類苑闕

讀遠書

萬行絕力

兩轉三回讀遠書畫簷愁見燕歸初百花時節
教人懶雲髻朝來不欲梳類苑闕

古樹

古樹欹斜臨古道枝不生花腹生艸行人不見
樹少時樹見行人幾番老類苑闕

獨住僧

百補袈裟一比丘數莖長睫覆青眸多應獨住
山林慣惟照寒泉自剃頭類苑闕

傷畫松道芬上人因畫釣臺江山而逝

百法驅馬百年壽五勞消瘦五株松昨來聞道

嚴陵死畫到青山第幾重類苑闕

觀釣臺畫圖

一水寂寥青霽合兩崖崔嵬白雲殘畫人心到
啼猿破欲作三聲出樹難類苑闕

荆巫夢思

楚水白波風嫋嫋荆門暮色雨蕭蕭相思合眼
夢何處十二峯高巴字遙類苑闕

浙東故孟尚書種柳

孟家種柳東城去臨水逶迤思故人不似當時
大司馬重來得見漢南春類苑闕

長洲覽古

吳王上國長洲奢，翠黛寒江一道斜。傷見摧殘舊宮樹，美人曾插九枝花。類苑

却歸舊山望月有寄

年年明月摠相似，大抵人情自不同。今夜故山依舊見，班家扇樣碧峯東。類苑

再歸松溪舊居宿西林

五粒松深溪水清，衆山搖落月偏明。西林靜夜重來宿，暗記人家犬吠聲。類苑

翫花五首

一樹梨花春向暮，雪枝殘處怨風來。明朝漸校無多去，看到黃昏不欲回。類苑

麴塵溪上素紅枝，影在溪流半落時。時人自惜

花腸斷，春風却是等閑吹。類苑

朱霞燄燄山枝動，綠野聲聲杜宇來。誰爲蜀王

身作鳥，自啼還自有花開。類苑

誰家躑躅情林裏，半見殷花燄燄枝。憶得倡樓

人送客，淡紅衫子影門時。類苑

花到薔薇明豔絕，燕支顚破麥風秋。一番弄色

一番退，小婦輕妝大婦愁。類苑

長慶春

山頭水色薄籠煙久客新愁長慶年身上五勞
仍病酒天桃窻下背花眠

山鷓鴣詞

南越嶺頭山鷓鴣傳是當時守貞女化為飛鳥
怨何人猶有啼聲帶蠻語類苑

鄭女出參丈人詞

鳳釵翠翹雙宛轉出見丈人梳洒晚掣曳羅綃
跪拜時柳條無力花枝軟類苑

春雨

花時悶見聯綿雨雲人家水毀隄昨日春風
源上路可憐紅錦枉拋泥類苑

和田使君木蘭花

枝枝轉勢雕弓動片片搖光玉劔斜見說木蘭
征戍女不知那作酒邊花類苑

正月十五夜呈幕中諸公

宵遊二萬七千人獨坐重城圈一身步月游山
俱不得可憐辜負白頭春類苑

樂府新詩

一聲盧女十三弦早嫁城西好少年不羨越溪

歌者苦采蓮歸去綠窗眠類苑

奉陪相公看花宴會二首

丞相邀歡事事同玉簫金管咽東風百分春酒

莫辭醉明日的無今日紅類苑

木蘭花謝可憐條遠道音書轉寂寥春去一年

春又盡幾回空上望江橋類苑

牡丹

何人不愛牡丹花占斷城中好物華疑是洛川

神女作千嬌萬態破朝霞類苑

過馬當

風波隱隱石蒼蒼送客靈鴉拂去棹三月盡頭

雲葉秀小姑新着好衣裳類苑

金谷覽古

金谷園中數尺土問人知是綠珠臺綠珠歌舞

天下絕惟與石家生禍胎類苑

上陽紅葉

洛下三分紅葉秋二分翻作上陽愁千聲萬片

御溝上一片出宮何處流類苑

洛城秋砧

三川水上秋砧發五鳳樓前明月新誰為秋砧

明月夜洛陽城裏更愁人類苑

和川守侍郎緱山題僊

王子緱山石殿明白家詩句詠吹笙安知散席
人間曲不是寥天鶴上聲類苑

和夜題玉泉寺

歲歲雲山玉泉寺年年車馬洛陽塵風清月冷
水邊宿詩好官高能幾人類苑

和秋遊洛陽

洛陽自古多才子惟愛春風爛漫游今到白家
詩句出無人不詠洛陽秋類苑

和嘲春風

源上拂桃燒水發江邊吹杏暗園開可憐半死
龍門樹懊惱春風作底來類苑

侍郎宅泛池

蓮子花邊回竹岸鷄頭葉上盪蘭舟誰知洛北
朱門裏便到江南綠水遊類苑

和侍郎邀宿不至

蟾蜍有色門應鎖街鼓無聲夜自淡料得白家
詩思苦一篇詩了一彈琴類苑

自鄂渚至河南將歸江外留辭侍郎

萬首絕句入卷之三

十六

一生所遇惟无由天下無人重布衣欲別朱門
淚先盡白頭遊子白身歸類苑闕

蠻入西川後

守隘一夫何處在長橋萬里只堪傷紛紛塞外
烏蠻賊驅盡江頭濯錦娘類苑闕

憶紫溪

長憶紫溪春欲盡千巖交映水回斜巖空水滿
溪自紫水態更籠南燭花類苑闕

誇紅槿

誰道槿花生感促可憐相計半年紅何如桃李

無多少併打千枝一夜風類苑闕

汴河覽古

煬帝龍舟向北行三千宮女采橈輕渡河不似
如今唱爲是誰家怨思聲類苑闕

柬白丈人

昔時丈人鬢髮白千年松下鋤茯苓今來見此
松樹死丈人斬新鬢髮青類苑闕

覽鏡詞

寶鏡磨來寒水清青衣把就綠窻明潘郎懊惱
新秋髮拔却一莖生兩莖類苑闕

寄玄陽先生

不能相見見人傳 巖岸山中岱岸邊 顏貌只如
三二十道年三百亦藏年 類苑

白人

煖風入煙花漠漠 白人梳洗尋常薄 泥郎為插
瓏璫釵爭教一朶牙雲落 類苑

奉賈元相公上元

出擁樓船千萬人 入為台輔九霄身 如何更羨
看銜夜曾見宮花拂面春 類苑

奉和鸚鵡

毛羽曾經剪處淺 學人言語道暄寒 任饒長被
金籠闔也免棲飛雨雪難 類苑

將至妙喜寺

清風嫋嫋越水陂 遠樹蒼蒼妙喜寺 自有車輪
與馬蹄未曾到此波心地 類苑

紅蕉

紅蕉曾到嶺南看 校小芭蕉幾一般 差是斜刀
剪紅絹卷來開去葉中安 類苑

見少室

適我一簞孤客性 問人三十六峯名 青雲無忘

白雲在便可嵩陽老此生類苑

語兒見新月

幾處天邊見新月經過艸市憶西施娟娟水宿
初三夜曾伴愁娥到語兒類苑

回施先輩見寄新詩二首

九幽僊子西山卷讀了條繩繫又開此卷玉清
宮裏少曾尋真誥讀詩來類苑

紫河車裏丹成也阜茨枝頭早晚飛料得僊宮
列僊籍如君進士出身稀類苑

送沈亞之赴郢掾

千萬乘驄沈司戶不須惆悵郢中遊幾年白雪
無人唱今日惟君上雪樓類苑

題縉雲山鼎池

黃帝旌旗去不回空餘片石碧崔嵬有時風捲
鼎湖浪散作晴天雨點來類苑

上興元嚴僕射

歐陽詹

推車闔外主恩新今日梁川艸遍春玉色據鞍
雙節下揚兵百萬路無塵類苑

送張中丞

心誦陰符口不言風驅千騎出轅門孫吳去後

無長策誰敵留侯直下孫類苑

親亡友題詩處

舊友親題壁上詩傷看綠跡不綠詞門前猶是
長安道無復回車下筆時類苑

題秦嶺

南下斯須隔帝鄉北行一步掩南方悠悠煙景
兩邊意蜀客秦人各斷腸類苑

石曰嶺寄巖僕射

鳥企蛇盤半地天下窺千仞到浮煙因高回望
霑恩處認得梁州落日邊類苑

經駱谷見野果有閩中懸壺子呈洪孺卿

洪亦閩人

青苞朱實忽離離摘得盈筐淚更垂上德同之
豈無意故園山路一枝欹類苑

韋晤宅聽歌

服製虹霓鬢似雲蕭郎屋裏上清人等閑逐酒
傾杯樂飛盡虹梁一夜塵類苑

聞嘉陵越鳥聲呈林蘊

正是閩中越鳥聲幾回留聽暗霑纓傷心激念
君淡淡共有離鄉萬里情類苑

送聞上人遊嵩山

二室峯峯昔願遊從雲從鶴思悠悠丹梯石路君先去為上青冥最上頭

類苑

題僧房

艸席蒲團不掃塵松間石上似無人峯陰欲午鐘聲動自煮溪蔬養幻身

類苑

山中老僧

笑向來人話古時繩床竹杖自扶持秋深頭冷不能剃白黑蒼然髮到眉

類苑

贈魯山李明府

外戶通宵不閉關抱孫弄子萬家閑若將邑號

稱賢宰又是皇唐李魯山

類苑

泉州赴上都留別舍弟及故人

天長地闊多岐路身即飛蓬共水萍匹馬將驅

豈容易弟兄親故滿離亭

類苑

送張驃騎

寶馬琇弓金僕姑龍驤虎視出皇都揚鞭莫怪輕胡虜曾在漁陽敵萬夫

類苑

題梨嶺

南北風煙即異方連峯危棧倚蒼蒼哀猿咽水

偏高處誰不霑衣望故鄉顯苑

秋夜寄僧

尚被浮名誘此身今時誰與德為鄰遙知是夜
檀溪上月照千峯為一人顯苑

觀送葬

何事悲酸淚滿巾浮生共是北邙塵他時不見
北山路死者還曾哭送人顯苑

宿建溪

隆篳一席眠還坐蛙噪螢飛夜未央僮僕舟人
空寂寂隔簾微月入中倉顯苑

題王明府郊亭

日日郊亭啓竹扉論桑勸穡是常機山城要得
牛羊下方與農人分背歸顯苑

塞上行

聞說胡兵欲利秋昨來投筆到營州驍雄已許
將軍用邊塞無勞天子憂顯苑

題別業

千山江上背斜暉一徑中峯見所歸不信扁舟
回在晚宿雲先已到柴扉顯苑

廣陵登高懷邵二

簪萸泛菊俯平阡飲過三杯却惘然十歲此辰
同醉友登高各處已三年類苑

題延平劍潭

想象精靈欲見難通津一去水漫漫空餘昔日
凌霜色長與澄潭生晝寒類苑

晚泊漳州

回峯疊嶂遠庭隅散點煙霜勝畫圖日暮華軒
卷長箔太清雲上對蓬壺類苑

贈嚴兵馬使

為鴈為鴻弟與兄如鵬如鴉傑連英天旋地轉

煙雲黑共鼓長風六合清類苑

除夜侍酒呈諸兄示舍弟

莫歎明朝又一春相看堪共貴茲身悠悠寰宇
同今夜膝下傳杯有幾人類苑

臺中寓直覽壁畫山水 羊士諤

蟲思庭莎白露天微風吹竹曉淒然今來始悟
朝回客暗寫歸心向石泉類苑

偶題寄獨孤使君

病起淮陽自有時秋來未覺長年悲坐逢在日
惟相望嫋嫋涼風滿桂枝

亂後曲江

憶昔曾游曲水濱。來春長有探春人。游春人靜空池在。直至春深不似春。

望女几山

女几山頭春雪消。路傍僊杏發柔條。心期欲去知何日。惆悵回車上野橋。

宮人斜

翡翠無窮掩夜泉。猶疑一半作神僊。秋來還照長門月。珠露寒花是野田。類苑

王學士獨游青龍寺翫紅葉因贈

十畝蒼苔繞畫廊。幾株紅樹過清霜。高情還似看花去。閑對南山步夕陽。

登樓

槐柳蕭疏繞郡城。夜添山雨作江聲。秋風南陌無車馬。獨上高樓故國情。類苑

憶江南舊遊二首

山陰道上桂花初。王謝風流滿晉書。曾作江南步從事。秋來遠復憶鱸魚。

曲水三春弄采毫。樟亭八月又觀濤。金罍幾醉烏程酒。鶴舫閑吟把蟹螯。類苑

郡中卽事二首

紅衣落盡暗香殘，葉上秋光白露寒。
越女含情已無限，莫教長袖倚欄干。
登高何處見瓊枝，白露寒花自繞籬。
惟有樓中好山色，稻畦殘水入秋池。

游西山蘭若

路傍垂柳古今情，春艸春泉咽又生。
借問山僧好風景，看花攜酒幾人行。

寄江陵韓少尹

別來玄髮共成霜，雲起無心出帝鄉。
蜀國魚箋

數行字憶君，秋夢過南塘。

資州宴行營回將

几劔盈庭酒滿卮，戍人歸日及瓜時。
元戎靜鎮無邊事，遣向營中偃畫旗。

看花

一到花間一忘歸，玉杯瑤瑟減光暉。
歌筵更覆青油幕，忽似朝雲瑞雪飛。

客有自渠州來說常諫議，使君故事悵然成詠。

才子長沙暫左遷，能將意氣慰當年。
至今猶有

萬首新集卷之三十三
東山妓長使歌詩被管弦

赴資陽經嶠冢山

寧辭舊路駕朱轡重使疲人感漢恩今日鳴騶
到嶠峽還勝博望至河源

野望二首

萋萋麥隴杏花風好是行春野望中日暮不辭
停五馬鴛鴦飛去綠江空

忘懷不使海鷗疑水映桃花酒滿卮亭上一
歌白紵野人歸棹亦行遲

蕭彭州出妓夜宴見送

玉顏紅燭忽驚春微步凌波拂暗塵自是當歌
斂眉黛不應惆悵爲行人

題松江館

津柳江風白浪平棹移高館古今情扁舟一去
鳴夷子應笑分符計日程

齋中詠懷

無心惟有白雲知閑臥高齋夢蝶時不覺東風
過寒食雨來萱艸出巴籬

永寧里小園寄沈校書

故里心期柰別何手移芳樹憶庭柯東臯黍熟

君應醉梨葉初紅白露多類苑

登郡前山

洛陽歸客滯巴東處處山櫻雪滿叢峴首當時
為風景豈將官舍作池籠

春望

莫問華簪髮已斑歸心滿目是青山獨上層城
倚危檻柳營春盡馬嘶閑

汎舟入後溪二首

東風朝日破輕嵐僊棹初移酒未酣玉笛閑吟
折楊柳春風無事傍魚潭

雨餘芳艸淨沙塵水綠灘平一帶春惟有啼鶯
似留客桃花淡處更無人

山閣聞笛

臨風玉管吹參差山鳴春淡日又遲李白桃紅
滿城郭馬融閑臥望京師

夜聽琵琶三首

掩抑危弦咽又通朔雲邊月想朦朧當時誰佩
將軍印長使蛾眉怨不窮
一曲徘徊星漢稀夜闌幽怨重依依忽似撻金
來上馬南枝棲鳥盡驚飛

破撥聲繁恨已長。低鬟斂黛黑更摧。藏潺湲隴水聽難盡。併覺風沙繞畫梁。類苑

送劉寰北歸

劉商

南巢登望縣城孤。半是青山半是湖。知爾素多山水興。此回歸去更來無。類苑

送王閏歸蘇州

深山窮谷没人來。邂逅相逢眼漸開。雲鶴洞宮君未到。夕陽帆影幾時回。類苑

送人往虔州

莫歎乘輶道路賒。高樓日日望還家。人到南康

皆下淚。惟君笑向此中花。類苑

送僧往湖南

閒出東林日影斜。稻苗淡淺映袈裟。船到南湖風浪靜。可憐秋水照蓮花。

送元使君自楚移越

露冕行春向若邪。野人懷惠欲移家。東風二月淮陰郡。惟見棠梨一樹花。類苑

移居淡山

不食黃精不采薇。葛苗為帶艸為衣。孤雲更入淡山去。人絕音書鴈自飛。類苑

送王永二首

君去春山誰共游，鳥啼花落水空流。如今送別臨溪水，他日相思來水頭。類苑
綿衣似熱袂衣寒，時景雖和春已闌。誠知暫別那惆悵，明日藤花獨自看。類苑

送別

灞岸青門有弊廬，昨來聞道半丘墟。陌頭空送長安使，舊里無人可寄書。類苑

送王貞

清揚玉潤復多才，邂逅佳期過早梅。槿花亦可

浮栢上，莫待東籬黃菊開。類苑

送薛六暫游揚州

志在乘軒鳴玉珂，心期未快隱青蘿。廣陵行路風塵合，城郭新秋砧杵多。類苑

送楊行元赴舉

晚渡邗溝惜別離，漸看烽火馬行遲。千鈞何處穿楊葉，二月長安折桂枝。類苑

行營送人

鞞鼓喧喧對古城，獨尋歸鳥馬蹄輕。回來看覓鶯飛處，卽是將軍細柳營。類苑

滑州送人先歸

河水冰消鴈北飛，寒衣未足又春衣。自憐漂蕩經年客，送別千回獨未歸。類苑

送濬上人

木落前山霜露多，手持寒錫遠頭陀。眼看庭樹梅花發，不見詩人獨詠歌。類苑

高郵送弟遇北遊

門臨楚國舟船路，易見行人易別離。今日送君心最恨，孤帆水下又風吹。類苑

送豆盧郎赴海陵

煙波極目已霑襟，路出東塘水更深。看取海頭秋艸色，一如江上別離心。類苑

送女子

青娥宛宛聚為裳，烏鵲橋成別恨長。惆悵梧桐非舊影，不悲鴻鴈暫隨陽。類苑

酬道芬寄畫松

聞道松華學沈寧，寒枝浙瀝葉青青。一株將比囊中樹，若箇年多有茯苓。類苑

山翁持酒相訪以畫松酬之

白社風霜驚暮年，銅瓶桑落慰秋天。憐君意厚

留新畫不著松枝當酒錢類苑闕

題潘師房

渡水傍山尋絕壁白雲飛處洞門開
僊人來往行無跡石徑春風長綠苔類苑闕

謝自然却還舊居

僊侶招邀自有期九天升降五雲隨
不知辭罷虛皇日更向人間住幾時類苑闕

寄李甫

挂却衣冠披薜荔世人應是笑狂愚
年來漸覺髭鬚黑欲寄松花君用無類苑闕

贈頭陀師

少壯從戎馬上飛雪山童子未緇衣
秋山年長頭陀處說我軍前射虎歸類苑闕

贈嚴四艸履

輕微菅蒯將何用容足媮安事頗同
日入信陵賓館靜贈君閒步月明中類苑闕

題劉偃莊

何事退耕滄海畔閒看富貴白雲飛
門前種稻三回熟縣裏官人四考歸類苑闕

題黃陂夫人祠

高首絕句卷之二十二

蒼山雲雨逐明神，惟有香名萬歲春。東風三月黃陂水，只見桃花不見人。類苑闕

題道濟上人房

何處營求出世間，心中無事即身閑。門外水流風葉落，惟將定性對前山。類苑闕

梨樹陰

福庭人靜少攀援，雨露偏滋影易繁。石磻落紫香風亞，樹清陰滿地晝當軒。類苑闕

秋蟬聲

蕭條旅舍客心驚，斷續僧房靜又清。借問蟬聲

何所為，人家古寺兩般聲。類苑闕

歸山留別子姪二首

車馬驅馳人在世，東西南北鶴隨雲。莫言貧病無留別，百代簪纓將付君。類苑闕

不逐浮雲不羨魚，杏花茅屋向陽居。鶴鳴華表應傳語，鴈度霜天懶寄書。類苑闕

與湛上人畫松

水墨乍成巖下樹，摧殘半隱洞中雲。猷公曾在天台寺，陰雨猿聲何處聞。類苑闕

白沙宿寶常宅觀妓

...

楊子澄江映晚霞柳條垂岸一千家主人留客
江邊宿十月繁霜見杏花類苑

上巳日縣寮會集不遂馳赴

踏青看竹共佳期春水晴山被袂詞獨坐郵亭
心欲醉櫻桃落盡暮愁時類苑

懷張瓌

苔石蒼蒼臨澗水陰風裊裊動松枝世間惟有
張通會流向衡陽那得知類苑

與于中丞

萬頃荒林不敢看買山容足擬求安田園失計

全蕪沒何處春風種蕙蘭類苑

袁十五遠訪山門

僻居謀道不謀身避病桃源不避秦遠入青山
何所見寒花滿徑白頭人類苑

行營病中

心許征南破虜歸可言羸病臥戎衣遲遲不見
憐弓箭惆悵秋鴻敢近飛類苑

合谿水漲寄敬山人

共愛碧谿臨水住相思來往踐莓苔而今却欲
嫌谿水雨漲春流隔往來類苑

不羨花

惆悵朝陽午又斜
刺栽桃李學僊家
花開花落人如舊
誰道容顏不及花

類苑闕

醉後

春月秋風老此身
一瓢長醉任家貧
醒來還愛浮萍艸
漂寄官河不屬人

類苑闕

題水洞二首

桃花流出武陵洞
夢想僊家雲樹春
今看水入洞中去
却是桃花源裏人

類苑闕

長看巖穴泉流出
忽聽懸泉入洞聲
莫摘山花

拋水上花浮出洞
世人驚

類苑闕

代人村中悼亡二首

花落茅簷轉寂寥
魂隨暮雨此中銷
邈來庭柳無人折
長得垂枝一萬條

類苑闕

虛室無人乳燕飛
蒼苔滿地履痕稀
庭前惟有薔薇在
花似殘妝葉似衣

類苑闕

觀獵三首

夢非熊虎數年間
驅盡豺狼宇宙閒
傳道單于聞校獵
相期不設過陰山

類苑闕

日隱寒山獵未歸
鳴弦落羽雪霏霏
梁園射盡

南飛鴈淮楚人驚陽鳥啼類苑

詩集卷之三

三五

二百三

松月東軒許獨遊，
淡恩未報復淹留。
梁園日暮從公獵，
每過青山不舉頭。類苑

畫石

蒼蘚千年粉繪傳，
堅貞一片色猶全。
那知忽遇非常用，
不把分銖補上天。類苑

詠雙開蓮花

菡萏新花曉竝開，
濃妝美笑面相隈。
西方采畫嘉陵鳥，
早晚雙飛池上來。類苑

夜聞鄰笛

何事霜天月滿空，
鸚鵡百轉向春風。
鄰家思婦更長短，
楊柳如絲在管中。類苑

山中寄元二侍御二首

心期汗漫臥雲扃，
家計漂零水上萍。
桃李向秋彫落盡，
一枝松色獨青青。類苑

拖紫銜金濟世才，
知君倚玉望三台。
溪山窮谷無人到，
惟有狂愚獨自來。類苑

上崔十五老丈

天漢乘槎可問津，
寂寥深景到無因。
看花獨往尋詩客，
不為經時謁丈人。類苑

詩集卷之三

三五

三

袁德師求畫松

柏偃松斂勢自分森梢古意出浮雲如今眼暗
畫不得舊有三株持贈君類苑

早夏月夜問王開

清風首夏夜猶寒嫩笋侵階竹數竿君向蘇臺
長見月不知何似此中看類苑

裴十六廳印事

主人能政訟庭閒帆影雲峯戶牖間每到夕陽
嵐翠近只嫌籬障倚前山類苑

春日行營印事

風引雙旌馬首齊曹南戰勝日平西為儒不辨
從戎事花落春深聞鼓鼙類苑

畫樹後呈濟師

翔鳳邊風十月寒蒼山古木更摧殘為君壁上
畫松柏勁雪嚴霜君試看類苑

弔從甥

日晚河邊訪惻獨衰柳寒蕪遶茅屋兒童驚走
報人來孀婦開門一轂哭類苑

宋洪魏公絕句萬首唐人絕句卷之二十二終

宋洪魏公進萬首唐人絕句卷之廿三

明吳郡趙宦允凡夫棊定

靈殿黃習遠伯傳竄補

七言十三 中唐十

春日美新綠詞

施肩吾

前日萌芽小於粟今朝艸樹色已足天公不語
能運為驅遣羲和染新綠類苑

帝宮詞

自得君王寵愛時設言春色上寒枝
年宮裏無人問一日承恩天下知類苑

施

海邊遠望

扶桑枝邊紅皎皎天雞一聲四溟曉
偶看僊女上青天鸞鶴無多采雲少

類苑闕

曉光詞

日輪浮動羲和推東方一軋天門開
風神爲我掃煙霧四海蕩蕩無塵埃

類苑闕

望曉詞

攬衣起兮望秋河濛濛遠霧飛
輕羅蟠桃樹上日欲出白榆枝畔星無多

類苑闕

夜巖謠

夜上幽巖踏靈艸松枝已疎桂枝老
新詩幾度惜不吟此處一聲風月好

類苑闕

聽南僧說偈詞

獅子座中香已發西方佛偈南僧說
惠風吹盡六條塵清淨水中初見月

類苑闕

杜鵑花詞

杜鵑花時天豔然所恨帝城人不識
丁寧莫遣春風吹留與佳人比顏色

類苑闕

歎花詞

前日滿林紅錦遍今日繞林看不見
空餘古岸

泥土中零落燕脂兩三片闕

島夷行

腥臊海邊多鬼市島夷居處無鄉里黑皮年少
學采珠手把生犀照鹹水類苑闕

對月憶嵩陽故人

團團月光照西壁嵩陽故人千里隔不知三十
六峯前定為何處峯前客類苑闕

贈莎地道士

莎地陰森古蓮葉游龜暗老青苔甲池邊道士
誇眼明夜取醮螟摘蚊睫類苑闕

效古詞二首

莫愁新得年十六如蛾雙眉長帶綠初學箜篌
四五人莫愁獨自聲前足類苑闕

姊妹無多兄弟少舉家鍾念年最小有時繞樹
山鵲飛貪看不待畫眉了類苑闕

冬日觀早朝

紫煙捧日鑪香動萬馬千車踏新凍繡衣年少
朝欲歸美人猶在青樓寢類苑闕

觀吳偃畫松

君有絕藝終身寶方寸巧心通萬造忽然寫出

澗底松筆下看看一枝老類苑闕

題山僧水閣

山房水閣連空翠沈沈下有蛟龍睡老僧趺坐
入定時不知花落黃金地類苑闕

登峴亭懷孟生

峴山自高水自綠後輩詞人心眼俗鹿門才子
不再坐怪景幽奇無管屬類苑闕

吳中代蜀客吟

身狎吳兒家在蜀春淡屢唱思鄉曲峨眉風景
無主人錦江悠悠為誰綠類苑闕

戲詠榆莢

風吹榆錢落如雨繞林繞屋來不佳知爾不堪
還酒家漫教夷甫無行處類苑闕

寄李補闕

蒼生應怪君起邊蒲輪重轡嵩陽道功成名遂
來不來三十六峯僊鶴老類苑闕

貧客吟

毳毳菽衣無處結寸心耿耿如刀切今朝欲泣
泉客珠及到盤中卻成血類苑闕

誚山中叟

老人今年八十幾口中零落殘牙齒天陰僂僕
帶嗽行猶向巖前種松子類苑闕

憶四明山泉

愛彼山中石泉水幽聲夜落虛窻裏至今憶得
臥雲時猶自涓涓在人耳類苑闕

聞山中步虛聲

何人步虛南峯頂鶴唳九天霜月冷僂詞偶逐
東風來誤飄數聲落塵境類苑闕

題龍池山人

主人家在龍池側水中有魚不設食終朝采藥

供僂廚卻笑桃花少顏色類苑闕

翫新桃花

幾歎紅桃開未得忽驚造化新裝飾一種同霑
榮盛時偏荷清光借顏色類苑闕

山石榴花

淡色燕脂碎翦紅巧能攢合是天公莫言無物
堪相比妖豔西施春驛中類苑闕

翫友人庭竹

曾去玄洲看種玉那似君家滿庭竹客來不用
呼清風此處挂冠涼自足

秋夜山居二首

幽居正想食霞客，夜久月寒珠露滴。千年獨鶴

兩三聲，飛下巖前一枝栢。類苑闕

去雁聲遙人語絕，誰家素機織新雪。秋山野客

醉醒時，百尺老松銜半月。類苑闕

秋夜山中別友人

獨鶴孤雲兩難說，明朝又作東西別。知君少壯

無十年，莫愛閑吟老松月。類苑闕

贈別王鍊師往羅浮

道俗駢闐留不住，羅浮山上有心期。卻愁僊處

人難到，別後音書寄與誰。類苑闕

春日餐霞閣

灑水初晴物候新，餐霞閣上最宜春。山花四面

風吹入，爲我鋪牀作錦茵。類苑闕

喜友再相逢

三十年前與君別，可憐容色奪花紅。誰知日月

相催促，此度見君成老翁。類苑闕

候僊詞

西歸公子何時降，南岳先生早晚來。巡歷世間

猶未遍，乞求鸞鶴且裴回。類苑闕

修僊詞

丹田自種留年藥，玄谷長生續命芝。世上漫忙兼漫走，不知求已更求誰。類苑闕

山中得劉秀才京書

自笑家貧客到疎，滿庭煙艸不能鋤。今朝誰料三千里，忽得劉公一紙書。類苑闕

夏日題方師院

火天無處買清風，悶發時來入梵宮。只向方師小廊下，回看門外是樊籠。類苑闕

遊春樂

一年三百六十日，賞心那似春中物。艸迷曲渚花滿園，東家年少西家出。類苑闕

僊客歸鄉詞二首

六合八荒游未半，子孫零落暫歸來。井邊不認抽雲樹，多是門人在後栽。類苑闕

洞中日月洞中僊，不筭離家是幾年。出郭始知人代變，又須拋卻古時錢。類苑闕

雲州飲席

酒腸雖滿少歡情，身在雲州望帝城。巡次合當誰改令，先須爲我打還京。類苑闕

戲贈李主簿

官罷江南客恨遙二年空被酒中銷不知暗數
春游處偏憶揚州第幾橋類苑闕

春詞

黃鳥啼多春日高紅芳開盡井邊桃美人手暖
裁衣易片片輕雲落剪刀類苑闕

題景上人山門

水有青蓮沙有金老僧於此獨觀心愁人欲寄
中峯宿只恐白猿啼夜淡類苑闕

妓人殘妝詞

雲髻已收金鳳凰巧勻輕黛約殘妝不知昨夜
新歌響猶在誰家繞畫梁類苑闕

臨水亭

只怪素亭黏黛色溪煙爲我染莓苔欲知源上
春風起看取桃花逐水來類苑闕

聽范玄長吟

聲聲扣出碧琅玕能使秋猿欲叫難詩興未窮
心更遠手垂青拂向雲看類苑闕

觀葉生畫花

心竅玲瓏貌亦奇榮枯只在手中移今朝故向

萬首絕句卷之三十三
霜天裏點破繁花四五枝類苑

洗丹砂詞

千淘萬洗紫炁攢夜火熒熒照玉盤恐是麻姑
殘米粒不曾將與世人看類苑

長安春夜吟

露盤滴時河漢微美人燈下裁春衣蟾蜍東去
鵲南飛芸香省中郎不歸類苑

自述

篋貯靈沙日日看欲成僊法脫身難不知誰向
交州去為謝羅浮葛長官類苑

少年行

醉騎白馬走空衢惡少皆稱電不如五鳳街頭
閑勒轡半垂衫袖揖金吾類苑

越中遇寒食

去歲清明雪溪口今朝寒食鏡湖西信知天地
心不易還有子規依舊啼類苑

贈採藥叟

老去惟將藥裏行無家無累一身輕卻教年少
取書卷小字鐙前鬪眼明類苑

清夜憶僊宮子

萬首絕句卷之三十三

高僧集卷之三十三
夜靜門深紫洞煙，孤行獨坐憶神僊。三清宮裏
月如晝，十二宮樓何處眠。類苑闕

江南怨

愁見橋邊荇葉新，蘭舟沈水楫生塵。從來不是
無蓮采，十頃蓮塘賣與人。類苑闕

送絕塵子歸舊隱二首

雲水千重繞洞門，獨歸何處是桃源。僊方不用
隨身去，留與人間老子孫。類苑闕
斑籐爲杖艸爲衣，萬壑千峰獨自歸。縱令相憶
誰相報，桂樹巖邊人信稀。類苑闕

送裴秀才歸淮南

怪來顛起詠刀頭，楓葉枝邊一夕秋。又向江南
別才子，卻將風景過揚州。類苑闕

錢塘渡口

天塹茫茫連沃焦，秦皇何事不安橋。錢塘渡口
無錢納，已失西興兩信潮。類苑闕

春日宴徐君池亭

暫憑春酒換愁顏，今日應須醉始還。池上有門
君莫掩，從教野客見青山。類苑闕

山中送友人

萬首絕句卷之三十三

欲折揚枝別恨生。一重枝上一啼鶯。亂山重疊雲相掩。君向亂山何處行。類苑闕

寄王少府

采松僊子徒銷日。喫菜山僧枉過生。多謝藍田王少府。人間詩酒最關情。類苑闕

贈女道士鄭玉華二首

玄髮新簪碧藕花。欲添肌雪餌紅沙。世間風景那堪戀。長笑劉郎漫憶家。類苑闕

明鏡湖中休采蓮。卻師阿母學神僊。朱絲誤落青囊裏。猶是箜篌第幾弦。類苑闕

寄西臺李侍御

二千餘里采瓊瓊。到處傷心瓦礫堆。惟有繡衣周柱史。獨將珠玉挂西臺。類苑闕

贈凌僊姥

阿母從天降幾時。前朝惟有漢皇知。僊桃不啻三回熟。飽見東方一小兒。類苑闕

晚春送王秀才游剡川

越山花去剡藤新。才子風光不厭春。第一莫尋溪上路。可憐僊女愛迷人。類苑闕

馮上人院

萬首絕句卷之三十三 十一 施

擾擾凡情逐水流世間多喜復多憂一回行到
馮公院便欲令人百事休闕類苑

金吾詞

行擁朱輪錦幘兒望僊門外叱金羈染鬚偷嫩
無人覺惟有平康小婦知闕類苑

觀舞女

纏紅結紫畏風吹婀娜初回弱柳枝買笑未知
誰是主萬人心逐一人移闕類苑

鄂縣村居

欲往村西日日慵上山無水引高蹤誰能求得

秦皇術爲我先驅紫閣峯闕類苑

酬周秀才

三晨蜀牋皆郢曲我心珍重甚瓊瑤應綠水府
龍神睡偷得蛟人五色綃闕類苑

旅次文水縣喜遇李少府

爲君三日廢行程一縣官人是酒朋共憶襄陽
同醉處尚書坐上納銀觥闕類苑

夏雨後題青荷蘭若

僧舍清涼竹樹新初經一雨洗諸塵微風忽起
吹蓮葉青玉盤中瀉水銀闕類苑

途中逢少女

身倚西門笑向東，牡丹初坼一枝紅。市頭日賣千般鏡，知落誰家新匣中。類苑闕

山中翫白鹿

繞洞尋花日易銷，人間無路得相招。吻吻白鹿毛如雪，踏在桃花過石橋。類苑闕

山居樂

鸞鶴每於松下見，笙歌常向坐中聞。手持十節龍頭杖，不指虛空即指雲。類苑闕

襄陽曲

大隄女兒郎莫尋，三三五五結同心。清晨對鏡理容色，意欲取郎千萬金。類苑闕

望夫詞三

看看北雁又南飛，薄倖征夫久不歸。蟾子到頭無信處，凡經幾度上人衣。類苑闕

手熱寒鐙向影顛，迴文機上暗生塵。自家夫婿無消息，卻恨橋頭賣卜人。類苑闕

何事經年斷書信，愁聞遠客說風波。西家還有望夫伴，一種淚痕兒最多。類苑闕

少婦遊春詞

簇錦攢花鬪勝遊。萬人行處最風流。無端自向春園裏笑摘青梅叫阿侯。類苑闕

折柳枝

傷見路傍楊柳春。一株折盡一重新。今年還折去年處。不送去年離別人。類苑闕

歸將吟

百戰放歸成老翁。餘生得出死人中。今朝授勅三回舞。兩賜青娥又拜公。類苑闕

惜花詞

千樹萬紅繞碧泉。正宜尊酒對芳年。明朝欲飲

還來此。只怕春風卻在前。類苑闕

拋纏頭詞

翠娥初罷繞梁詞。又見雙鬢對舞時。一抱紅羅分不足。參差裂破鳳凰兒。類苑闕

望騎馬郎

碧蹄新壓步初成。玉色郎君弄影行。賺殺唱歌樓上女。伊州誤作石州聲。

春日錢塘禱興二首

酒姥溪頭桑媪媪。錢塘郭外柳毵毵。路逢鄰婦遙相問。小小如今學養蠶。

西鄰年少問東鄰，柳岸花隄幾處新。昨夜雨多
春水闊，隔江桃葉喚何人。類苑闕

翫手植松

卻思毫末栽松處，青翠纔將衆艸分。今日散村
遮不得，看看氣色欲凌雲。類苑闕

夜笛詞

皎潔西樓月未斜，笛聲寥亮入東家。卻令燈下
裁衣婦，誤翦同心一半花。類苑闕

贈鄭倫吹鳳管

喃喃解語鳳凰兒，曾聽梨園竹裏吹。誰謂五陵

年少子，還將此曲暗相隨。

蜀茗詞

越椀初盛蜀茗新，薄煙輕處攪來勻。山僧問我
將何比，欲道瓊漿却畏嗔。

春霽

煎茶水裏花千片，候客亭中酒一樽。獨對春光
還寂寞，羅浮道士忽敲門。

諷山雲

閒雲生葉不生根，常被重重蔽石門。賴有風簾
能掃蕩，滿山晴日照乾坤。

日晚歸山詞

虎跡新逢雨後泥，無人處洞邊溪。獨行歸客晚山裏，賴有鷓鴣臨路岐。

翫花詞

今朝造化使春風，開拆西施面上紅。竟日眼前猶不足，數株昇入寸心中。

西山靜中吟

重重道氣結成神，玉闕金堂逐日新。若數西山得道者，連余便是十三人。

長安早春

報花消息是春風，未見先教何處紅。想得芳園十餘日，萬家身在畫屏中。

再酬李先輩

清詞再發郢人家，字字新移錦上花。能使龍宮買綉女，低回不敢織輕霞。

寄隱者

路絕空林無處問，幽奇山水不知名。松門拾得一片屐，知是高人向此行。

寄四明山子

高樓只在千峯裏，塵世望君那得知。長憶去年

風雨夜向君窗下聽猿時

觀美人

漆點雙眸鬢繞蟬長留白雪占眉前
愛將紅袖遮嬌笑往往偷開水上蓮

收妝詞

斜月朧朧照半牀
螢螢孤妾懶收妝
燈前再覽青銅鏡
枉插金釵十二行

僊女詞

僊女羣中名最高
曾看王母種仙桃
手題金簡非凡筆
道是天邊玉兔毛

僊翁詞

世閒無遠可為游
六合朝行夕已周
壇上夜深風雨靜
小僊乘月擊蒼虬

遇李山人

遊山遊水幾千重
二十年中一度逢
別易會難君且住
莫教青竹化為龍

同張鍊師溪行

青溪道士紫霞巾
洞裏僊家舊是鄰
每見桃花逐流水
無回不憶武陵人

桃源詞二首

萬首絕句卷之二十三

七

三三五

天天花裏千家住。總爲當時隱暴秦。歸去不論
無舊識。子孫今亦是他人。

秦世老翁歸漢世。還同白鶴返遼城。縱令記得
山川路。莫問當時州縣名。

送道友遊山

欲駐如今未老形。萬重山上九芝清。君今若問
采芝路。踏水踏雲攀杳冥。

贈王屋劉道士

小有洞中長住客。大羅天上後來僊。出門卽是
尋常處。未可還它跨鶴鞭。

謝自然昇僊

分明得道謝自然。古來漫說尸解僊。如花年少
一女子。身騎白鶴遊青天。

秋吟獻李舍人

腸結愁根酒不消。新驚白髮長愁苗。王司儻許
題名姓。筆下看成度海橋。

山中喜靜和子見訪

絕壁深溪無四鄰。每逢猿鶴卽相親。小奴驚出
垂藤下。山犬今朝吠一人。

春日題羅處士山舍

萬首絕句

卷之二十一

三

六

亂疊千峯掩翠微。高人愛此自忘機。春風若掃階前地，便是山花帶錦飛。

訪松嶺徐鍊師

千仞峯頭一謫仙。何時種玉已成田。開經猶在松陰裏，讀到南華第幾篇。

江南織綾詞

卿卿買得越人絲。貪弄金梭懶畫眉。女伴能來看新篔簹，鴛鴦正欲上花枝。

宿蘭若

聽鐘投宿入孤煙。巖下病僧猶坐禪。獨夜客心

何處是秋雲影裏一燈然。

題禪僧院

棲禪枝畔數花新。飛作瑠璃地上塵。谷鳥自啼猿自叫，不能愁得定中人。

送絕粒僧

碧洞青蘿不畏深。免將飢渴累禪心。若期野客來相訪，一室無煙何處尋。

早春遊曲江

芳處亦將枯槁同。應緣造化未施功。羲和若擬動鑪鞴，先鑄曲江千樹紅。

佳人覽鏡

每坐臺前見玉容。今朝不與昨朝同。良人一夜出門宿。減卻桃花一半紅。

遇王山人

每欲尋君千萬峯。豈知人世也相逢。一瓢遺卻在何處。應挂天台最老松。

遇醉道士

霞帔尋常帶酒眠。路旁疑是酒中僊。醉來不住人家宿。多向遠山松月邊。

送人歸台州

莫驅歸騎且徘徊。更遣離情四五杯。醉後不憂迷客路。遙看瀑布識天台。

贈施僊姑

縹緲吾家一女僊。冰容雖小不知年。有時頻夜看明月。心在常娥几按邊。

山院觀花

初來惟見空樹枝。今朝滿院花如雪。門前爲報諸少年。明日來遲不堪折。

經桃花夫人廟

誰能枉駕入荒榛。隨例形相土木身。不及連山

種桃樹花開猶得識夫人

代農家吟

且將一笑悅豐年。漸老那能日日眠。引客特來
山地上。坐看秋水落紅蓮。

下第春遊

羈情含槩復含辛。淚眼看花只似塵。天遣春風
領春色。不教分付與愁人。

送僧遊越

麻衣年少雪為顏。卻笑孤雲未是閑。此去若逢
花柳月。棲禪莫向苧羅山。

遇越州賀仲宣

君在鏡湖西畔住。四明山下莫經春。門前幾箇
采蓮女。欲泊蓮舟無主人。

江南積雨歎

人厭為霖水毀溪。牀邊生菌路成泥。雨師一日
三回到。棟裏閑雲豈得棲。

雲中道上作

羊馬羣中覓人道。鴈門關外絕人家。昔時聞有
雲中郡。今日無雲空見沙。

同諸隱者夜登四明山

半夜尋幽上四明手攀松桂觸雲行相呼已到
無人境何處玉簫吹一聲

戲鄭申甫

年少鄭郎那解愁春來閒臥酒家樓胡姬若擷
邀他宿挂卻金鞭繫紫驪

宿千越亭

琵琶洲上人行絕千越亭中客思多月滿秋江
山冷落不知誰問夜如何

少女詞二首

嬌羞不肯點新黃踏過金田出繡牀信物無端

寄誰去等閑裁破錦鴛鴦

同心帶裏脫金錢買取頭花翠羽連手執木蘭
猶未慣今朝初上采菱船

冬詞

錦繡堆中臥初起芙蓉面上粉猶殘臺前也欲
梳雲鬢只怕盤龍手捻難

昭君怨

馬上徒勞別恨深總緣如玉不輸金已知賤妾
無歸日空荷君王有悔心

贈僊子

萬首絕句

卷之二十三

三

欲令雪貌帶紅芳更取金瓶瀉玉漿鳳管鶴聲
來未足懶眠秋月憶蕭郎

越溪懷古

憶昔西施人未求浣沙曾向此溪頭一朝得侍
君王側不見玉顏空水流

秋夜山中別友人

何處邀君話別情寒山木落月華清莫愁今夜
無詩思已聽秋猿第一聲

大隄新詠

行路少年知不知襄陽全欠舊來時宜城賈客

載錢出始覺大隄無女兒

宿四明山

黎洲老人命余宿杳然高頂浮雲平下視不知
幾千仞欲曉不曉天鷄聲

禁中新柳

萬條金線帶春煙淡染青絲不直錢又兔生當
離別地宮鷓啼處禁門前

酬張明府

潘令新詩忽寄來分明繡段對花開此時欲醉
紅樓裏正被歌人勸一桮

悼楊氏妓琴絃

朱褒一作韋莊

魂歸寥廓魄歸烟只住人間十八年
昨日施僧裙帶上斷腸猶繫琵琶絃

春興

武元衡

楊柳陰陰細雨晴殘花落盡見流鶯
春風一夜吹鄉夢又逐春風到洛城

酬裴起居西亭留贈

豔歌能起關山恨紅燭偏凝邊塞情
况是池塘風雨夜不堪絲管盡離聲

送張司錄赴京

送張司錄赴京

